

buerint, obscurissimas reddiderint, concisis adeo verbis, omnique saepe veste detracta; expunctis & rejectis hinc promissis, inde connexis & coherentibus, quæ magnam vim habent ad intellectum legum: omissa eadem, atque a corpore suo diuisa, summam obscuritatem pariunt. Nolo etiam adeo hic urgere leges totidem fere verbis repetitas sub eodem etiam titulo, uti l. 143. 144. de decurionibus; vel sub diversis titulis, quarum indiculus hic esto, pariter ut repetitarum Constitutionum in libris Juris Justiniani indiculum alii consecere, inter quos Pancirolus l. var. 78. & postquam leges 13. recensuisset, subiungit: Renovatas etiam leges repetitasque in eandem sententiam, vel ab eodem Imperatore vel a posterioribus Principibus nolim hic ideo carpere. Contrarias quoque tot leges, sese invicem destruentes abrogantesque hic positas, haud ideo reprehendere velim... Nolim etiam arguere tot similes in eandem sententiam... Ab utroque certe, quantum potuit, sibi postea cavis Justinianus, cui id facilius erat, quam omnia ad suam mentem refingeret, & tamen nec quicquam cavit, quin multa similes & contraria exciderint. At sequentia in hujus Codicis conditoribus quis ferat? Primo quidem, quod impias leges plures in eum retulerunt: quam tamen hujus Codicis condendi studium ideo in se receperunt, ut inde ad forum & quotidianas advocaciones jura peterentur, in jure proferrentur, vim legis obtinerent. Non illud jam argeo, quod, in illis Julianum Divi appellatione dignari videmus: item quod conditores, ejusdem Juliani passim, constitutiones haud obscure Christianorum Principum constitutionibus & instituto contrarias, hac retulerint. Verum illas nunc constitutiones argeo, quæ expressam impietatis notam hodie continent: ut Constantini Magni, Lib. 1. de paganis de licito haruspicina usu: ut & Valentiniani Senioris de cujusque religionis libertate, ejusdemque haruspicina tolerantia, lib. 2. 3. 9. de malef. & mathem: quæ etsi tum, quum ferrentur, tolerabiles erant, nondum re Christiana in folio solidoque prorsus locata, postea tamen verſo rerum statu, expunctas eas oportuit, & ab eo